

# de Uulewapper

JAORGANK 3 - 2009

Prins Raf  
d'n eerste



JEUGPRINS  
D'N UUL 2009

'T ÓNSJTAON  
VAN EIN PRINSEMÖTS

10



DE PÓPPEDOKTER

14



# LEEF UULEK IENJER EN ANGER PASTE- LAOPESGEKSKES!

Veur 't derde jaor op riej versjient sjpesjaal veur uch De Uulewapper. Ouch dit jaor höbbe veer weer ós bes gedaon om d'r ein sjoon vastelaovesblaad van te make det geer mit väöl plezeer kint laeze.

Waat tunk uch:  
Weit geer eigelik waal wie det ein Prinsemots waerd gemaak en wat dao allemaal biej kump kieke?  
En waem van uch kint neet de Póppedokter op 't Munsterplein? Dao kinse terech veur van alles waat mit de vastelaovend haet te make en nog väöl meer. Laes wie det de Póppedokter alles in ziene winkel persies wit te ligke!  
Ouch ontbrik dit jaor neet een geistig verhaol van de handj van Riet Hamers euver Ottokerke mit ein sjitterende teikening van Rob Vastert. En sjreef Lies Cillekens weer ein sjoon sjtök euver eine pelikaan oet Artis dae in Remunj terech kump.

Zowiej geer gewint zeet höbbe veer weer te gekke räödselkes, meujelikke puzzels om eur hersens te laote krake, prachtige sjminkveurbelde van

Aad-Uuleprins Ton II, ein kleurplaat van Juulke 't Uulke en nog väöl meer.

Mer 't allerbelangrikste is netuurlik toch 't verhaol euver óze nuje Jeugprins Raf I.

Waem is hae? Wo zit d'r op sjool en wat zeen zien hobbies en favoriete aete? En geer kint laeze waem zien vrunj zeen die es Adju's same mit hem d'r eine geweldig sjone vastelaovend van gaon make!

Veer winse uch väöl laesplezeer mit deze nuje Uulewapper en veur sjtrakkes te gekke en coole vastelaovesdaag!

Kemissie Uulewapper



V.l.n.r. Lyan de Vreese, Jeanette Reijnen, Ingrid Evers en Inge Puts

# Oetneudiging verjaordaagsfees Juulke 't Uulke

LEEF UULKES,

Op 11 november waas 't 3 jaor geleje det ich oet mien ei böñ gekraope!  
Nao mien duipfees en 't verjaordaagsfees van 't veurig jaor höb ich de sjmaak  
van 't feeste pas ech good te pakke gekrege!

Ich höb dus mien oppasmooders de kop gek gemaak en zolang gezanikt toeddet  
die zachte: "Oké Juulke, ouch dit jaor moogs doe ein verjaordaagsfees gaeve"!

Dus leef Uulekienjer, neudig ich uch oet veur mien verjaordaagsfees.  
Det zal zeen op

**ZATERDAG 24 JANNEWARIE 2009 VANAF 15.00 OER  
IN 'T WITTE KIRKSKE IN DE VEURSJAD.**

**Kómp geer ouch?**

Ich zól det sjoon vinje want dan make veer d'r same  
weer ein onvergaetelik fees van!

Väöl Uulkesgroetjes van  
**Juulke 't Uulke**





# RAF I ZWANENBERG

## JEUGPRINS VAN D'N UUL 2009

### DRIE DAAG MAF MIT DE BENDE VAN RAF

Det is de liefsjpreuk van oze Sjtadsjeugprins Raf I Zwanenberg, dae dit sezoen de Remunjse jeug en D'n Uul moog veurgaon es Raf d'n eerste.

Remunj móit mit diej drie daag eine grote, leuke en sjone vastelaovesbende waere en Raf zal hiej perseunlik veur gaon zorge.

Raf Zwanenberg is eine echte Remunjse jóng, hae waerde gebaore op 29 meij 1996 in de Bróksjtraot.

Hae is de zoon van Maurice & Yvonne Zwanenberg en Raf haet och nog ein zöster, Jules(14). 't Prinselik gezin woont noe prinsherek in de Munstersjtraot, same mit de hóndj Sjakie. Zien elders zeen echte vastelaovesgekke, Maurice is Sjtadsprins van D'n Uul gewaes in 1989 (det is al binao 2x11 jaor geleje) en same ware Maurice en Yvonne biej zaate hermenie Black Pantalonia Square Band.

Raf waerde es klein jungske al döks mitgenaome, dus vastelaovend is 'm mit de paplaepel ingegaeve.

Hae haet och al inkele jaore mitgedaon aan de kienjermiddaag van D'n Uul.

Jaomer genóg móit ouch eine Jeugprins nao sjool, Raf zit in groep 8 van de Balans biej meester Ton Beek.

Raf is eine uters sjportieve jóng, want hae duit hokkieje biej Concordia in de C3, sjwumme (Raf is eine echte waterrat), vësse, skeltere en fietskrosse.

Raf haet dus ein gooij kóndisiej en det móss-se es Jeugprins van D'n Uul och waal höbbe mit zón drök pergram.

Wiejer krieg hae al 2 jaor drumles biej meester Hans, dus muuziekaal is d'r ouch, hae hilt veral van de meziek op radio 3. Anger hobbies zeen kompjøetere en sjpele op de x-box 360. Raf kiek gaer nao Nickelodeon op tillevisie en zien favoriete aete is de saté biej Rinus (Vice Versa). Raf haet altied al gaer Jeugprins van D'n Uul wille waere, noe is 't dan och zover en Remunj zal 't wete. Ederein krieg ein hoesorde en waert daomit lid van Raf I zien vastelaovesbende.

Raf d'n eerste haet d'r ech zin in en hae sjpits zich eigelik op alles wat d'r mot gaon doon of mit geit make, 't beuzeke van resepjes en ivvenemente, waal sjpits hae zich 't meiste op d'n optoch door Remunj.

Raf I haet twee gooij vrunj van hem es adjudante oetgezóch, te wete Bart Heerema en Jeroen in 't Zand, diej ich noe aan uch gaon veursjtelle.

De eerste adjudant hit dus Bart Heerema, Bart waerde gebaore op 2 meert 1996 in Remunj. Zien elders heite Willie & Karin Heerema en Bart haet nog ein zösterke, Eefje(8).

Willie is netuurelik geine ónbekinde biej D'n Uul, hae is dit jaor 2x11 + 3 jaor lid van oze ónvolpreze T.C. en hae haet ouch jaore aan de kienjermiddaag mitgewirk. Karin is jaomer genóg neet meer ónger ós, maar Karin haet jaorelank gedans biej de Damesgarde van D'n Uul en zösterke Eefje danst noe biej de kienjergarde van D'n Uul.


Trök nao adjudant Bart, hae zit in groep 8 van Aan de Roer op sjool biej juffrouw Liesbeth en juffrouw Mo. Ouch Bart duit, net wiej Jeugprins Raf I, hokkieje biej Concordia in de C3, daoróm haet Raf Bart gevraog of hae zien adjudant wól waere. Bart waas d'r gans sjtil van det Raf'm vroog! Bart haet väöl hobbies ; fietse, wanjele, boete sjpele, väöl dinger verzamele en fiespernulle. Wiejer loestert Bart gaer nao "Metallica" en kiek d'r nao "Dirty Jobs" op tillevisie, hae lös spaghetti en Merie-keukskes.

Hae haet d'r ech zin in óm adjudant te moge zeen biej Raf I en hae sjpits zich dan eigelik ouch op alles.

De tweede adjudant hit Jeroen in 't Zand en waerde gebaore op 3 meij 1997 in Remunj. Zien elders heite Leon & Connie in 't Zand en Jeroen haet nog ein zöster, Maud(15).

Leon is ouch Sjtadsprins van D'n Uul gewaes in 1993 en hae regelt al jaore 't verkesbal en de Nach van de nuuje Prins en same mit Connie viert d'r gaer vastelaovend.

## RAF EN JULES



Jeroen zien zöster Maud haet vreuger biej de kienjergarde gedanst en sjeelt ouch al inkele jaore mit in de kienjermiddaag. Biej Jeroen toes is 't eine echte beestebiel, want zie höbbe eine hondj, kat, knien en veer hoonder.

Jeroen zit in groep 8 van Aan de Roer op sjool biej juffrouw Judith en juffrouw Petra, zien echte hobbies zeen fietse, breakdance en ouch Jeroen krieg al 2 jaor drumles biej meister Hans, wiejer sjeelt d'r in de band "Reshock" en geit d'r gaer mit opa mit óm piejano en órgel te sjumme. Jeroen loestert nao "Robbie Williams" en nao hip-hop en op tillevisie kiek d'r nao "Top Gear", hae lös lasagne en petatfriet. Jeroen sjipst zich 't meiste op 't oetropen en op d'n optoch, hae kiek d'r waal taege op óm de tas mit hoesordes mit te sjleipe. Jeroen en Raf höbbe vreuger al aafgesjpraoke det es Raf Jeugprins zól waere det Jeroen dan adjudant waerde en angersóm, noe is det dus 't geval.

Mit z'n driege gaon dees echte Remunjse jonges van echte Uule-femielies 't gans make, dao bön ich van euvertuug. Ze höbbe d'r allemaol heel väöl zin in, ich geluif det mit Sjtadsjeugprins Raf I en adjudante Bart en Jeroen 't ech ein "fees toet in de ..." geit waere. Ich wins Sjtadsjeugprins Raf d'n eerste en adjudante Bart en Jeroen bezónjer väöl plezeer en ein sjitterend vastelovessezoen toe.  
Det alles ónger ziene liefsjpreuk :

## DRIE DAAG MAF MIT DE BENDE VAN RAF !

Erik Snoek,  
Kemissie Jeug D'n Uul



# RAF DEN EERSTE

biej de gracie van de Sjtadsvastelaovesvereniging dn llul in 't jaor 2009.

Sjtadser dan sjtads gebaore op de Brôksstraot en noe wônende oppe Munstersstraot. Zoon van sjtadsprins Maurice en Yvonne, broerke van Jules.

Gaeve uch biej biej te kizze erz te versjtaoz :



det veer bliej zeen, det ut weer vastelaovend is....

det veer sjnelle jonges zeu....

det veer daorom door de vastelaovend race....

det alle Remmijse kienjer biej os **Bende** heure....

det veer ein **Bende** zeu, maar d'r gein **Bende** van malee....

det alle **Bende** leejje van vastelaovend moettle haaje....

det de **Bende** van de Zwartte Handj, op os handj is ....

det de Jeugprins neet zonger sjuelle Adju's kint....

det daorom **Baret** en **Jeroen** de Adju's van de Drinselikke **Bende** zeen....

det ze es llul biej ein sjoon **Bende** heurs....

det nicks zo leuk is es osse sjpreuk .....

**DIE DAAG MAF  
Mit de Bende  
van RAF**





## OTTOKERKE OP WINTJERSJPORT???

Ottokerke bleef, wie vastgenaegeld, op de dorpel staan. "Dat kan toch gaaruit neet waar zijn!!" riep hij en liep toen giftig tot doon bij zijn moeder. "Wie gaat er nu met de vastelaovend op wintersport?!!"

Gravin Eulalia, de moeder van Ottokerke, stong de koffers in te pakken. Ze draaide zich kalm om. "Luister eens te goej, Ottokerke", zei ze, "alle adelikke luuj gaan tegeswoordig met de vastelaovend óf naar de Ballejare of op wintersport; wij zijn van adel, dus..."  
Wij gaan sjieje, en houw nou maar eens op met dat neutelijke gedoens van jou, want je vader staat allang onder aan de trap, met de latten op de rug, te trappelen van ongeduld".

Voor dat het allemaal gans tot Ottokerke was doorgedrongen, zaten ze al in de bus te sjoegkele richting Tirol.  
Graaf Ottokar, de vader van Ottokerke, zat in de bus naast zijn vrouw Eulalia en samen waren ze druk doende de kunst

van het jodelen onder de knie te krijgen, maar door dat gesjoegel van de bus, lukde dat niet zo gans.  
"Scheij d'r nou maar mee uit" riep Ottokerke van achter uit de bus, want hij schaamde zich kepot, wie zijn vader en moeder het gejodel verkammezolde.

Effeng, aangekomen in Kufsjein in ein All Inkloesief-hotel (dat heet tegeswoordig zo en dat betekent dat daar alles gratis en voor niets is) werden meteen de latten ondergebonden. Graaf Ottokar en Gravin Eulalia sjeiden vol adelikke gratie de heuvel af, ongerwijl Ottokerke knoterend toekeek.

Maar wat was dat?! Ottokerke kon zijn ogen niet geloven. Wie kwam d'r op een sleetje naar ondere geroetsj? Juulke 't Uulke!

En achter Juulke, op de lange latte en met wapperende veren: de Vorst, de Prins en de Jeugdprins van d'n Uul, gevuld door de ganse Raad van Elf en ... allemaal zo bruin wie een

kerstaanjel.

"Jij maakt me wat te doen", zei de Vorst van d'n Uul, "Wij hebben je overal gezocht: Eerst zijn wij naar de Ballejare gevlogen...." Aha, dacht Ottokerke, vandaar die kerstaanjele kleur! "En sanderdaags zijn wij met het hele gesoks naar hierheen gekomen. Misschien heb je, mien leef Ottokerke, in de gater dat de vastelaovend in Roermond niet door kan gaan zonder Eulalia, Ottokar en Ottokerke", sprak de Vorst plechtig.  
"Zwijg me d'r van", antwoordde Ottokerke, "Ik heb me hier alleweiles en ozel! Je moet mijn moeder eens horen jodele!""Jodele??"

"Ottokerke, Ottokerke!!! Wakker worden! Wat is d'r gaande, mijn sjnuobelke?" Ottokerke wreef zich de pupse uit de ogen en merkte, dat hij dit gelukkig allemaal gedroomd had.  
"Och moeder", sprak hij blij, "volgens mij had ik een versjrikkelikke nachmerrie!!!!"

Riet Hamers-Gubbels



# GEIN GEMEKKER



Ouch dit jaor kint geer uch tiedes de vastelaovesdaag ammesere op 't Sjnapslaazebal det veur de 8e keer vanoet D'n Uul waert georganiseerd door "Gein Gemekker". "Gein Gemekker" besjteit oet de vastelaovesgukke vrunj Bart en Wouter Segers, Marc Hensen en Gard Puts.

Jaomergenog zal 't dit jaor de lètste keer zeen det dees jónges de organisatie op zich naeme. Es geer det ouch jaomer vindj en häör wilt bedanke veur al die sjoon daag in de aafgeloupe jaore dan verras häör mit ein sjoon teikening op ein van de daag det 't Sjnapslaazebal is.

Wiej gezellig det 't op 't Sjnapslaazebal is det kint geer hiej waal zeen.....




# Sjnapsnaazebal



'T SJNAPSNAAZEBAL is dit jaor op:  
zaoterraag 21, zóndaag 22,  
maondaag 23 en dinsdaag 24 fibberwarie  
van 16.00 - 20.00 oer in  
't Witte Kirkske in de Veursjtad

antree: netuurlik veur nieks

# IT ONSUTAON VAN EIN PRINSEMÖTS



Höb geer al ins good gekeke nao die sjoon mötse die de Prinse drage??  
Veer waal en veer ware benuujd wie die inein gefiespernuld waere.

Veer belde oze allerbeste vrundj Theo Hermans op en vroge aan hem of hae ós hiej mit wiejer kós helpe.

Theo regelde veur ós det veer same mit hem ein bezoek moogde bringe aan de Firma Hintzen in Korschenbroich (Pruuses). Dees firma is al jaore de haofleveranseer veur D'n Uul waat betruf 't verzorge van de Prinsemötse.

Zo ging veer op paad nao Korschenbroich...

Aangekomme moogde veer mit nao 't atteljee. Hiej waerde ós heel persies oetgelag wie zo'n möts noe waert gemaakt. De möts waert in 3 gedeiltes gemaakt.

Es eerste waert oet de sjtóf, die de prins zelf oet moog keze, de deile gesjneje. Det doon ziej mit ein

heel sjiek elektries rolmets. De sjtóf kan euverigens zeen: floer, ziej of elastiese sjtóf. Dees deile kriege ein versjtevigung van plekbare voring zodet de möts heel sjtevig waert en dan waere dees deile al gedeeltelik aanein genejd.

Es tweede waere de versiersels aangebrach mit goud- of zilverdraad. Dit waert gedaon mit ein heel sjpesjaal nejmesjien en de mevrouw die dit duit kint

heeeeeeee persies en  
supersnel en netjes  
nejje.

Ouch waere d'r hele  
sjieke sjtein (mit echt  
Sjwarowski gesjlepe  
glaas) aangebrach  
op de móts. Dit doon  
twee dames helemaal  
mit de handj.

Sommige móts hebbé heel väöl sjtein (die van  
de Grote Prins van Köln waal 316!!!) en geer  
sijnapt netuurelik waal det dees dames dao dan  
ouch heel lang wirk aan höbbe.

Es derde waere de deile opgevuld mit ein saort  
watte en waere alle deile van de móts aan- en  
taege-ein genejd. Dan volgt netuurelik nog de  
aafwirkung mit sjieke bandj en neet te vergaete  
de vaere die neet moge óntbraeke.

Nao de róndjleiding waore veer toch waal  
benuujd nao de móts van ós Prinse van dit  
jaor mer geer sjinapt 't zeker waal det veer die  
nog neet mochte zeen...

Veer vonje 't sjoon om dit ins allemaal te  
moge zeen en haope det veer uch höbbe kinne  
oetligke wiedet zo'n Prinsemóts toet sjtandj  
kumpt.

## Nog ein paar weetjes euver de firma Hintzen:

De firma Hintzen is een bedrief  
waat al 150 jaor besjiteit en al heel  
get móts gemaakt haet. Boete  
de móts make ziej ouch ganse  
prinse- en prinsessekesjtuums,  
sjötteriejpakke, dansmarieje-  
pekskes en nog vanalles meer.

Op dit moment wirke ziej mit ongeveer  
35 miense in dit bedrief. 't Is geweldig óm  
te zeen det ziej het waord "handjwerk" nog  
hoog in het vaandel höbbe sjtaon.  
Van augustus toet jannewarie zeen ziej  
vrijewaal allein mit 't vastelaovesgebeure  
bezig, daonao gaon ziej wiejer mit de  
sjötteriejpakke.

Alle móts en pakke waere op maot  
gemaakt en edere klantj kint zelf bepaole  
waat det de kleure, sjtóf, sjtein, model en  
versieringe zólle zeen.

Van alle móts hange de modeldeile in het  
atteljee, kris kras doorein. Veer vroege nao  
de mótsdeile van ós vereniging en jewaal  
heur nao 2 seconde kómme ze oppe taofel...



# Waat sjtejt dao?

1. OP 'T MUNSTERPLEIN LIGKE AL LANG GEIN **KEZELE**  
MEER.
2. DET MAEDJE IS EIN ECHTE **KETS**.
3. DE SJPEGEL VEEL IN DOEJEND **GRUUZELEMENTE**.
4. ICH LAOT MICH 'N NUUJ **VORING** IN DE **MANTJEL**  
ZITTE.
5. DOOT MER GOUW EIN **PLÄÖSTER** OP DAE  
KEPOTTE KNIEJ.
6. IN DIE VAAS SJTAON **VERSJLAKKERDE** BLOME.
7. LEUS DOE OUCH DE **GEZET**?
8. OP 'T **FERNUUS** SJTEIT EINE **MOOR** MIT HEEL GET  
**DUMPELS**.
9. ICH SJLAOP HEERLIK OP DIE NUUJ **METRAS**.
10. LAOT ÓS GOUW WEGGAON, 'T IS HIEJ NEET  
**PLUUS**.
11. WITS DOE WO WAAT EINE **SJOEMAEKER** IS?
12. JUULKE HAET DE KRIEBEL IN DE **KAEL** EN MOT  
**SJTEEDS HOOSTE**.



<b>dumpels</b>	: deuken
<b>fernus</b>	: fornuis
<b>gezet</b>	: krant
<b>gruuzelemente</b>	: gruizelementen zijn veel kleine stukjes
<b>hooste</b>	: hoesten
<b>kael</b>	: keel
<b>kets</b>	: kattekop, snibbig meisje
<b>kezele</b>	: kiezels
<b>mantjel</b>	: jas
<b>moor</b>	: fluitketel
<b>metras</b>	: matras
<b>pläöster</b>	: pleister
<b>pluus</b>	: pluis
<b>sjoemaeker</b>	: schoenmaker
<b>versjlakkerde</b>	: verwelkte
<b>voring</b>	: voeringstof



# MOPPE



Sjang zaet taege de dokter: "Dokter ich heur mer de helf".

Zaet de dokter taege Sjang: "Gangk mer ins aan de angere kantj van de kamer sjtaon en dan herhaolsse waat det ich zègk".

Zaet de dokter: "88"

Zaet Sjang: "44!"

Zaet de verkuiper taege de klantj: "Die sjoon zóolle de eerste daag nog waal duje mevrouw".

"Guf nieks", zaet de mevrouw, "ich doon ze toch pas de volgende waek aan".

"Waat duit eure zoon veur de kos" vreug de ein moder aan de anger.

"Hae is boeksjpraecker en hae wirkts es verkuiper in eine dierewinkel wodet ze sjpraekende papegaaje verkoupe".

"Sjarel, wieväöl is 2 x 3" vreug de meister.  
"Zes meneer" antjwaordt Sjarel.

"Good jong", zaet de meister es beloning kriegsse 6 proeme oet miene hof.

"Had ich det gewete", zag Sjarel taege ziene vrund, "dan had ich meer gezag".

De meister van groep 8 gaf de poetsmevrouw ein sjtandje.

"De sjtöf light verdorie eine vingerdiek op de aerdbol" zaet de meister.

"Jao, nogal wiedes es geer expres mit eure vinger euver de Sahara vaegt", zaet de poetsmevrouw.

Waat zaesse mich noe? Geis doe op vredaag vèsse? Doe wits toch det vredaag eine ongelöksdaag is", zaet Keub taege Jantje. "Netuurlik" zaet Jantje, mer 't is ouch eine ongelöksdaag veur die vèsse!"

De lif in ein hele hoge flet vluug omhoog. Teende verdedeling, twintigste verdedeling, dertigste verdedeling... Zaet ein klein mènke det veur 't eers in zien laeve in ein lif sjteit: "Mama wit Oosleveneert det veer kómme?"

"Verdachte", zaet de rechter, "vertèl mich ins wie det geer d'r in gesjlaag zeet om dæ brandjkas aope te braeke".

"Ich praktezeer d'r neet euver, meneer de rechter. Al mien kellega's zitte op de tribune".

"Zeet geer meneer De Wit?" vreug de verkuiper aan eine klantj.  
"Nae, miene naam is Zjwart", zaet de klantj.  
"Naem mich neet kwaolik", zaet de verkuiper, "ich bön kleureblindj".

"Giester zoog ich ein paerd mit ein houte bein en ein glaze oug."

"Wo det danne?"

"In de karresel oppe kirmes".



**Op 't Munsterplein lilk ziene winkel,  
volgeduujd mit van alles en nog get.  
En ómdet veer nuusjerig zeen,  
gaon veer sjpraeke mit de Póppedokter.**

# **DE PÓPPEDOKTER,**



14

De familie Wiermans-Genang zit al vanaaf 1943 in de winkel aan 't Munsterplein. Midde in d'n oorlog zeen ze dao begós mit 't verkoupe van feesartikele. Volges John Wiermans (de Póppedokter dus) haet de winkel dus in 2009 jubileum. Ze besjiteit dan 6 x 11 jaor!

De vader van de huidige Póppedokter waar aafgesjtudeerd Póppedokter! Hae had ein offesjeel diploma van de pónpfebierek. Van heinde en ver kwame de miense om häör pónpfe te laote make. Kepotte uigskes, erm, bein. Alles waerde door hem weer inein gefiespernuld. Ouch John haet nog lang es Póppedokter gewirk. En sins zó'n 20 jaor is hae ouch nog Baeredokter!



Maar allewiels kins se as Póppedokter gein dreug brood meer verdene. Daorom haje ze zich in dae winkel noe veural bezig mit feesartikele, vastelaovesgrei en schmink. As John beginst te vertèlle, hilt dae nog gaan neet meer op.

"Zó'n 25 jaor geleje waerde in Remunj, as eerste sjtad in 't Limburgse, witte euverals gedrage mit Vastelaovend. Die waerde dan besjilderd en opgekalefaterd. En wo Remunj toen uniek in waas: de miense schminkde zich hie! Op anger plaatse dejé de miense maskes op!

Det schminke haet een hoog vluch genaome.



# WAEM KINT 'M NEET?

As se allewiel om dich haer kieks mit de vastelaovend zuus se sjitterend geschminkde gezichte. En ouch in de Uulewapper kins se zeen wie des se dich mós (laote) schminke om d'r mit de Vastelaovend ech sjoon oet te zeen".



Oze Póppedokter verköp heel erg väöl schmink. En waal zo väöl, det de producent, de firma Kryolan, sjpesjial veur de Póppedokter, ein eige kleurepallet samesjtelt. John kint dus zègke, welke kleure hae in de verfdoos wilt höbbe! Det is waal henjig. John veursjplets beveurbeeld det dit jaor de kleur paars helemaal in is. Dan kint d'r dus in zien kleurdoos paars laote opnaeme. Good hé.

"John, wie wits se noe, wat "in" is mit de Vastelaovend?"

"Nao al die jaore kries se waal e bietje feeling en doe mos good óm dich haer kieke. Nao de tillevisie en zo en welke films d'r zeen. Dink maar aan de pirate. Nao de film mit Johnny Depp as piraat, waar en is det nog altied 'n grote rage".

"John, doe bös mit de Vastelaovend altied aope. Miense kinne dan altied bie dich terech veur de lètste aanvöllinge, schmink, 'ne tamboerein, enz. Wie vinjs se in dae kraom in godsnaam get?"

"Jao, de winkel is neet groot. Zó'n 60 m2. Maar alles haet zien vaste plaats. De schmink, de maskes, de meziekinstrumente, wimpers, sjnórre, pruke, pekskes, neum maar op. Wits se wanneer ich get

neer meer kin vinje? As de klantje get op 'n anger plaats höbbe trök gelag".

In dae kleine winkel haet de Póppedokter mit de Vastelaovend zó'n 60 toet 70 maskes en róndj de 250 kostuumms!! En waat d'r neet haet, kint d'r zo besjèlle. In 't sezoen zeen die dinger binne 3 daag bie hem in de winkel. As ich 'm dan ouch vraog, waat d'r neet haet, zaet hae dan ouch: "Ich zól 't neet weite. Waat ich neet höb, kan ich besjèlle".

Waat John jaomer vinjt is, det vandaag d'n daag sjteeds meer miense op fekansie gaon. Veural jóng gezinne, mit klein kienjer. En juus die kienjer mótte de vastelaovend eigelik mit de paplaepel nao binnekriege.

John sjteit al zó'n 40 jaor as Póppedokter in de winkel. Wie lang hae det nog kint doon is de vraog. De Póppedokter haet aaf en toe zelf 'ne dokter neudig. En waem mótt hem opvolge? Maar veer haope det veer hem nog heel lang in ziene winkel aan 't Munsterplein kinne zeen, zodet veer mit Vastelaovend nog gauw effe get kinne gaon koupe waat veer vergaete höbbe.



# DIT JAOR WAER ICH....

MIT DANK AAN  
AAD-UULEPRINS TON II NIZET



1



2



3

## MEGA MINDY, de heldin die kint touvere!

- 1 Mit ein sjpunske ein rood maske opbringe mit kartel-rentjes aan de boetekantj. De ouge vriej laote.
- 2 Mit eine penseel de kleur paars aanbringe róndjóm de boetekantj en róndjóm de ouge.  
Baovenaan biej de haorgrens maakse witte puntjes.
- 3 Dan maakse mit eine penseel veur oppe kop het MEGA MINDY-teike.  
De lètter M mit roze en 't runjtje d'r óm haer paars Ouch óm de ouge teikense ein roze lienke.  
Dan nog witte sjterkes oppe wange, nog get lippesjtif en klaor is MEGA MINDY.

